

ა(ა)იპ „საერთაშორისო ინიციატივა განვითარებისა და თანადგომისათვის“
დირექტორის

ბრძანება №044

ქ. თბილისი

2020 წლის 7 სექტემბერი

ახალი კორონავირუსის (COVID-19) შესაძლო გავრცელების პრევენციის მიზნით
ორგანიზაციაში

„საერთაშორისო ინიციატივა განვითარებისა და თანადგომისათვის“ საქმიანობის
განსაკუთრებულ ღონისძიებათა განსაზღვრის შესახებ

აფხაზეთის ა/რ ფინანსთა და დარგობრივი ეკონომიკის მინისტრის 07/09/2020
წლის #01/47 ბრძანების საფუძველზე ორგანიზაციაში „ საერთაშორისო ინიციატივა
განვითარებისა და თანადგომისათვის „ ახალი კორონავირუსის (COVID-19) შესაძლო
გავრცელების პრევენციის მიზნით

ვბრძანებ:

1. სამსახურში არ გამოცხადდეს საერთაშორისო ინიციატივა განვითარებისა და
თანადგომისათვის“ ორგანიზაციის თანამშრომელი, თუ:
 - ა) ამ ბრძანების გამოცემამდე ბოლო 12 დღის მანძილზე იმყოფებოდა ქვეყნის
ფარგლებს გარეთ; რომლის ოჯახის წევრი იმყოფებოდა საზღვარგარეთ; რომელთანაც
კონტაქტი ჰქონდა უცხო ქვეყნიდან ჩამოსულ პირს;
 - ბ) კონტაქტი ჰქონდა როგორც პირადად, ასევე ოჯახის წევრის მეშვეობით იმ პირთან,
რომელიც იმყოფებოდა თვითიზოლაციაში ან კარანტინში, ან დაუდასტურდა ახალი
კორონავირუსი;
 - გ) პირს აღენიშნება მწვავე რესპირაციული დაავადების სიმპტომები (ასეთი პირი
ვალდებულია დაუყოვნებლივ მიმართოს ექიმს); არის ქრონიკული დაავადების ან
სხვა რისკ-ფაქტორის მქონე;
 - დ) ორსული ქალი შემდგომ განკარგულებამდე;
2. პირველი პუნქტით განსაზღვრულმა პირებმა ორკვირიანი პერიოდი უნდა გაატარონ
თვითიზოლაციის წესების დაცვით და შესაძლებლობის შემთხვევაში სამუშაო
შეასრულონ დისტანციურად, უშუალო ხელმძღვანელის მიერ გაცემული
დავალებების შესაბამისად, მაქსიმალურად შეზღუდონ გადაადგილება და
საჭიროების შემთხვევაში ერთი საათის განმავლობაში გამოცხადდეს სამსახურში;
3. დაევალოს დირექტორის მოადგილეს-გიორგი ქლენტს და ოფისის მენეჯერს-ნათია
თათულაშვილს შექმნას ისეთი პირობები, რომელიც უზრუნველყოფს
ჯანმრთელობის დაცვის პროტოკოლების, რეკომენდაციებისა და ჰიგიენის წესების
დაცვას, კონკრეტულად:

- 3.1. სამუშაო სივრცეში, თვალსაჩინო ადგილას განთავსდეს ინფორმაცია ვირუსის გავრცელების პრევენციული ღონისძიებების შესახებ;
 - 3.2. სამუშაო სივრცის შესასვლელთან განთავსდეს დეზობარიერი, შესაბამისი სავალდებულო ნიშნის მითითებით;
 - 3.3. სამუშაოს დაწყების წინ გაკონტროლდეს დასაქმებულთა ჯანმრთელობის მდგომარეობა ტემპერატურის გაზომვით და გაკეთდეს შესაბამისი ჩანაწერები.
 - 3.4. უზრუნველყოს დასაქმებულთა სამუშაო ადგილას ავეჯის ისეთი განლაგება, რომ დასაქმებულებს შორის დაცული იყოს 2მ დისტანცია;
 - 3.5. სამუშაო სივრცე უზრუნველყოფილი იქნას, ინდივიდუალური დაცვის საშუალებებით: ნიღაბი, ხელთათმანები;
 - 3.6. უზრუნველყოფილი იქნას, სამუშაო ადგილებზე ხელის პერიოდული დეზინფექციისათვის საჭირო სულ მცირე, 70% ალკოჰოლის შემცველი ხელის დასამუშავებელი ხსნარის განთავსება;
 - 3.7. სამუშაო ადგილებზე განთავსდეს ზედაპირების სადეზინფექსიო საშუალებები და სწორად მოხმარების წესები, გამოიყოს 5 წუთიანი სანიტარული შესვენება, რომლის დროსაც თანამშრომლების მიერ ყოველ ორ საათში დამუშავდება ხშირად შეხებადი ზედაპირები და ჩატარდება აღნიშნული ბრძანებისა და სანიტარული ნორმებით გათვალისწინებული სამუშაოები;
 - 3.8. უზრუნველყოს დახურული კონტეინერების განთავსება, დასაქმებულთა და ვიზიტორთა მიერ გამოყენებული ერთჯერადი ხელსახოცებისა თუ სხვა გამოყენებული ჰიგიენური ნარჩენებისათვის.
4. შეიზღუდოს სამსახურეობრივი მივლინებები და ოფიციალური შეხვედრები გარდა განსაკუთრებული შემთხვევებისა.
 5. შეიზღუდოს ორგანიზაციაში ღონისძიებების ორგანიზება გარეშე პირთა მონაწილეობით და მაქსიმალურად შეიზღუდოს დაწესებულებაში გარეშე პირთა დაშვება და გადაადგილება.
 6. კონტროლი ბრძანების შესრულებაზე დაევალოს დირექტორის მოადგილეს გიორგი ქლენტს.
 7. წინამდებარე ბრძანების ორგანიზაციის ვებ-გვერდზე განთავსება დაევალოს ოფისის მენეჯერს.
 8. ბრძანება ძალაშია ხელმოწერისთანავე.
 9. ბრძანება ძალაშია 30 სექტემბრის ჩათვლით.
 10. ბრძანება დაეგზავნოს ორგანიზაციის თანამშრომლებს.

დირექტორი

3. გ. მ.



ვ. ფოჩხუა